



ЧИЗМАЧИЛИК ДАРСЛАРИНИ ТАШКИЛ ЭТИШДА ТАЪЛИМ МЕТОДЛАРИНИНГ ЎРНИ ВА АМАЛИЙ АҲАМИЯТИ

Тураев Хумойиддин Абдуғаффорович

Термиз давлат университети Тасвирий санъат ва муҳандислик графикаси
кафедраси мудири

Аннотация: Ушбу мақолада таълим методлари асосида чизмачилик дарсларини самарали ташкил этиши методикаси ҳақида асосли маълумотлар келтирилган. Мақола бўлажак ўқитувчиларнинг касбий ва лойиҳалаши компетентлигини ривожлантириши бўйича педагог-олимлар томонидан олиб борилган тадқиқот натижалари асосида ёзилди.

Ключевые слова: метод, технология, интерфаол, лойиҳалаши, компетентлик, индивидуал, кейс, конструкция, ўйин, графика.

РОЛЬ И ПРАКТИЧЕСКОЕ ЗНАЧЕНИЕ ОБРАЗОВАТЕЛЬНЫХ МЕТОДИК В ОРГАНИЗАЦИИ УРОКОВ ЧЕРЧЕНИЯ

Тураев Хумойиддин Абдуғаффорович

Заведующий кафедрой изобразительного искусства и инженерной графики
Термезского государственного университета

Аннотация: В данной статье представлена обоснованная информация о методологии эффективной организации уроков рисования на основе образовательных методов. Статья написана на основе результатов исследования ученых-педагогов по развитию профессиональной и проектной компетентности будущих учителей.

Ключевые слова: метод, технология, интерактивный, дизайн, компетентность, индивидуальный, ключи, конструкция, игра, графика.

THE ROLE AND PRACTICAL SIGNIFICANCE OF EDUCATIONAL METHODS IN THE ORGANIZATION OF DRAWING LESSONS

Turaev Khumayiddin Abdugafforovich

Head of the Department of Fine Arts and Engineering Graphics of Termez State
University

Annotation: This article provides reasonable information about the methodology of effective organization of drawing lessons based on educational methods. The article is written on the basis of the results of a study by scientists and teachers on the development of professional and project competence of future teachers.

Keywords: method, technology, interactive, design, competence, individual, keys, construction, game, graphics.

Кириш. Бўлажак чизмачилик фани ўқитувчиларининг лойиҳалаш-конструкторлик компетентлигини ривожлантиришда ўқув машғулотлари, айниқса, амалий машғулотларни ташкил этишда таълим методлари ва технологияларини танлашга алоҳида эътибор қаратилиши зарур. Таълим методлари ва технологияларини тўғри танлаш қуйидаги натижаларга эришишни кафолатлади: талабаларда графика фанлари асосларини пухта ўзлаштиришга бўлган қизиқиши мотивацияни ҳосил қилиш; уларнинг ўқув-билиш фаоллигини ошириш; талабаларнинг мустақил, танқидий ва ижодий фикрлаш қобилиятига эга бўлишини таъминлаш; талабалар томонидан графика фанлари асосларини ўқитиш сифатини яхшилаш; графика фанларини ўқитиш самарадорлигини ошириш.

Таълим методи – ўқув жараёнининг мажмуавий вазифаларини ечишга йўналтирилган ўқитувчи ва талабаларнинг биргалиқдаги фаолияти усули бўлса,

таълим методикаси эса муайян ўқув предметини ўқитишининг илмий асосланган метод, қоида ва усуллар тизими ҳисобланади [1].

Педагогик технология – таълим шаклларини такомиллаштириш вазифасини кўзлаган ўқитиши ва бошқаларни ўзлаштиришнинг барча жараёнларини техника ва инсон омилларида, уларнинг биргаликдаги ҳаракатлари воситасида яратиш, тадбиқ этиш ва аниқлашнинг изчил методи [1].

Замонавий шароитда таълим тизимида инновацион характерга эга методлар ҳам қўлланилмоқда. Улар орасида энг кенг оммалашган методлар ягона ном билан номланувчи интерфаол таълим технологиялари саналади [2].

Интерфаол таълим таълим самарадорлигини оширишнинг энг мақбул йўли сифатида эътироф этилаётган таълим тури ва ўқитиши шакли саналади.

“Интерфаол таълим” (ингл. “‘interact”, рус. “интерактив”; “inter” - ўзаро, “act” - ҳаракат қилмоқ) - талабаларнинг билим, кўникма, малака ва муайян ахлоқий сифатларни ўзлаштириш йўлидаги ўзаро ҳаракатини ташкил этишга асосланувчи таълим [2].

“Интерфаол методлар” - талабаларнинг билим, кўникма, малака ва муайян ахлоқий сифатларни ўзлаштириш йўлидаги ўзаро ҳаракатини ҳамда ўқитувчи билан ҳамкорликларини ташкил этишга хизмат қиласидиган методлар [2].

Бу турдаги методлар интерфаол таълимнинг мухим таркибий элементи ҳисобланади. Ҳозирги кунда интерфаол методларнинг 100 дан ортиқ тури мавжуд бўлиб, ўқув материалининг ҳарактери, талабаларнинг ёш ва психологик хусусиятларидан келиб чиқсан ҳолда таълим жараёнида уларнинг ҳар биридан самарали фойдаланиш мумкин [3].

Тадқиқот методологияси. Чизмачилик фанидан амалий машғулотларда интерфаол таълим методларидан самарали фойдаланишга эътибор қаратилди. Бунда, энгаввало, амалий машғулотлар учун уларнинг ҳарактерлих хусусиятларини инобатга олган ҳолда кутилган натижани таъминлай олиш имкониятига эга қўйидаги: интерфаол методлар, стратегиялар, график органайзерлар ва йийинлар танланди.


Ушбу таълим методлари талабаларда ижодий фаолият малакаларини ва жамоавий ижодий ишлашни ташкил этиш кўникмаларини ҳосил қилишда мухим аҳамиятга эга.

Амалий машғулотлар учун танланган интерфаол методлар:

1. “Effective practical project” (Самарали амалий лойиҳа) методи.

Технологиянинг мақсади. Талабаларда якка, жамоавий гурух билан ишлаш, ижодий ва ташкилотчилик фаолияти, назарий билимларини ишлатиш ҳамда ишга маъсулият билан ёндашувни шакллантириш ҳамда лойиҳалаш-конструкторлик кўникмаларини шакллантиради.

Технологиянинг шарти. Янги детал лойиҳасини чизиш, уни дизайн талабида бажариш ва конструкциясини қуриш. Масалан: Тасмали транспортерда узатилаётган тупрок, кўмир, шағал ва бошқалар манзилга етганда, ўз-ўзидан итарилиш ва юқ кучи таъсирида тушаётгандаги чизган траекторияси параболани ҳосил қиласи. Ушбу ҳолатни ҳисобга олган ҳолда ҳимоя мосламасининг лойиҳаси бажарилсин ва конструкцияси қурилсин (1-расмга қаранг).



Жиҳозлар. Масаланинг шартига оид тарқатма материаллар, лойиҳалаш-конструкторлик иш фаолияти учун зарур бўладиган асбоб-ускуналар (циркул, ўлчагич, штангинциркул, ўчиргич, қалам, чизмачилик доскаси, кўргазмали плакатлар, конструкцияланган детал намуналари в.х.).

1-расм. Тасмали транспортер.

Технологиянинг тафсилоти. Амалий машғулотларда уч иштирокчидан иборат кичик гурух шакллантирилади ва кўйидаги ролларга ажратилади:

1. Лойиҳачи. 2. Дизайнер. 3. Конструктор. Гурухдаги ҳар бир талабага детал лойиҳасини чизиш вазифаси топширилади. Ҳар бир талабанинг детал лойиҳалари эксперт гурухи томонидан баҳоланади, гурухдаги битта энг мақбул детал лойиҳаси танлаб, тасдиқдан ўтади. Тасдиқдан ўтган детал лойиҳаси асосида детал конструкцияси гурухдаги иштирокчилар фаолиятида курилади, моделлаштирилади ва қуриш технологияси бажарилиб, тайёр детал ҳолатига келтирилади. Ҳар бир гурухнинг тайёр маҳсулоти эксперт гурух томонидан баҳоланиб, кўйилган баҳолар изоҳлаб берилади [4].


2. “We create creative projects” (Креатив лойиҳалар яратамиз) методи. Ушбу метод жамоавий ишлашга мўлжалланган бўлиб, гурухдаги барча талабалар ҳамкорликда яъни уларга ўқитилган бўлим бўйича лойиҳалар ва конструкциялар яратиш топшириги берилади. Гурухли тарзда ҳамкорликда детал лойиҳалари чизилади ва энг креатив (ноанъанавий) деб топилган лойиҳалар устида иш олиб борилади. Талабалар ўзлари ўзаро келишган ҳолатда детал лойиҳаларини танлаб олади. Танлаб олинган детал лойиҳаси асосида детал конструкцияси курилади, моделлаштирилади ва қуриш технологияси бажарилиб, тайёр детал ҳолатига келтирилади. Иш ниҳоясига етганда гурух талабалари томонидан кўргазма ўюштирилади ва намойиш кўрсатилади [5].

3. Кейс-стади (“Ўқув кейслари”) интерфаол методи ёрдамида талабаларнинг билим, кўнишка ва малакалари даражаси баҳоланади. Мазкур метод муаммоли таълим методидан фарқли равишда реал вазиятларни ўрганиш асосида аниқ қарорлар қабул қилишга асосланади. Агар у ўқув жараённида маълум бир мақсадга эришиш йўли сифатида қўлланилса, метод характеристига эга бўлади, бирор бир жараённи тадқиқ этишда босқичма-босқич, маълум бир алгоритм асосида амалга оширилса, технологик жиҳатни ўзида акс эттиради.

Кейснинг баёни: Бирор график масалани ечишдан олдин унинг шартини тушуниб ва ечиш кетма-кетлигини аниқлаб олиш зарур. Масалан, саралаш (тақсимлаш) мосламаси схемаси берилган, бунда янгидан лойиҳаланаётган деталнинг бир нечта намуналарини (моделини) доскада чизиб кўрсатиш мумкин.

Кейс топшириги ва саволи: 2-расм, а) да саралаш (тақсимлаш) мосламаси схемаси берилган. Шундай детални лойиҳалангки, шарчалар гоҳ ўнг, гоҳ чап туйнукка тушишини ва ташкарига чиқиб кетишини таъминланг.

Фойдаланиш учун манбалар: Тураев X. “Бўлажак чизмачилик фани ўқитувчиларининг лойиҳалаш компитентлигини ривожлантиришнинг графикавий асослари”. -Т.: Монография. “LESSON PRESS”. 2021 й. 47-48 б.



2-расм. Саралаш (тақсимлаш) мосламасининг схемаси

Талабалар учун методик кўрсатмалар:

- Бундай масалаларни ечишда ўқитувчи томонидан аввало масала берилшидаги “саралаш (тақсимлаш)” сўзининг маъноси тушунирилади;
- Берилган мосламанинг иш бажарувчи вазифаси ҳакида маълумот берилади;
- Саралаш (тақсимлаш) мосламаси учун лойиҳаланаётган деталнинг бир нечта намунаси чизиб кўрсатилади.

Кейсни ечиш жараёни: Талабалар топширикни бажаради ва ечимни тақдим этади.

Ўқитувчининг ечими: Саралаш мосламаси камерасига Т шаклидаги тўсқич

ўрнатилиши лозим. Унинг геометрик шакли тарновларнинг кўндаланг қисмига боғлиқ бўлади. Кўндаланг кесими квадрат шаклида бўлса, мослама 2-расм, д) дагидек, айланада бўлса 2-расм, е) дагидек тайёрланади.

Шарчаларнинг гоҳ чапдаги туйнукка тушиши 2-расм, б) да, гоҳ ўнг томондаги туйникка тушиши 2-расм, с) да берилган.

4. “Designer-constructor” (Лойиҳачи-конструктор) ролли ўйинида талабалар томонидан турли вазифаларни бажарувчи мутахассислар (лойиҳачи, рассом, дизайнер, конструктор) ролларига тақсимланиб конструкторлик буюроси муҳити ҳосил қилинади, яъни талабалар ролли фаолиятни бажарадилар. Бу орқали уларни келгуси меҳнат фаолиятига тайёрлаш, ўзларини ишлаб чиқариш муҳитида тасаввур қилиш ва бунинг натижасида улар реал ҳолатни акс эттиради. Бу эса талабаларни тезроқ ўзларини касб эгаси сифатида учрайдиган қийинчилик ва муаммоли вазиятларга тайёр бўлиб боради.

5. “Энг тўғрисини топиш” ўйини талабаларда чизмаларни ўқиш ва таҳлил қилиш масалаларини такомиллаштириш, стандарт талабига доир билимларни таркиб топтиришда ёрдам беради.

Ўйиннинг шарти. Деталнинг яққол тасвирига мос бир нечта кўринишлари орасидан енг тўғрисини топиш (3-расмга қаранг).



3-расм. Деталларнинг кўринишларига оид кўргазмали плакат

Мақсад. Талабаларда чизмаларни ўқиш ва таҳлил қилиш масалаларини такомиллаштириш, стандарт талабига доир билимларни таркиб топтириш.

Жихозлар. Диаметри 250 мм ли бешта доира ясалади ва биттасининг диаметри тўртга, қолганлари учга бўлинади ва маркази билан туташтирилиб секторлари ҳосил қилинади. Тўрт секторли доирага тўртта турли деталларнинг чизилган яққол тасвиirlари қўйилади. Учта секторли доираларга ҳар бир деталнинг уч хил вариандаги кўринишлари чизиб чиқилади (3-расмга қаранг). Тўрт секторли доирага қўзғалмас, қолганлари унга уринадиган ҳамда айланадиган қилиб жойлаштирилади. Уч секторли доиралардаги кўринишлар марказдаги деталларга мос келадиган вазиятда жойлаштирилиши лозим.

Ўйиннинг тафсилоти. Ўқитувчи ўртадаги қўзғалмас доирага чизилган тўрт хил деталнинг яққол тасвиirlарини кўрсатиб, атрофидаги айланадиган доираларда тасвиirlangan уч хил вариандаги кўринишлар ичидан енг тўғри, стандарт талабидаги кўриниш (лар)ни топиб, ўртадаги деталнинг яққол тасвирига мослаб айлантириб қўйиш лозимлиги тушунтирилади. Бу вазифани бажаришда чизмачиликдаги кўринишларга оид барча стандарт талабларни қондирадиган вариант танланиши зарурлиги таъкидланади [6].

Талабалар уч хил кўринища тасвиirlanganлар ичидан енг тўғри вариантни топишга қийналсалар, уларга стандарт талабини, яъни детални енг кам кўриниш



орқали тасвирлашга аҳамият бериш кераклиги еслатиб ўтилади.

Деталларнинг яққол тасвирларига мос энг тўғри кўринишларни биринчи бўлиб аниқлаган талаба ғолиб ҳисобланади.

Хуноса. Шундай қилиб, бўлажак чизмачилик фани ўқитувчиларининг лойихалаш компетенлигини AutoCAD график дастури воситасида ривожлантириш мумкинлигини кўриб чиқдик. Энди ушбу деталнинг фазодаги фазиятини AutoCAD график дастурининг янги авлоди ёрдамида ифодалашни, айрим чизмачилик фанидаги мавзулар мисолида кўриб чиқамиз.

Фойдаланилган адабиётлар рўйхати

1. Муслимов Н.А. ва б. “Инновацион таълим технологиялари”. – Т.: Сано стандарт, 2015. – 150 б.
2. Азизхўжаева Н.Н. “Педагогик технология ва педмаҳорат”. Ўқ. қўл. Т.: ТДПУ, 2003 – 176 б.
3. Abdugafforovich T. K. Methodical Recommendations for Developing the Design Competence of Future Drawing Teachers Through the AutoCAD Graphic Program //E Conference Zone. – 2022. – С. 266-272.
4. Тураев X. A. “INVERSIYA” METODI VOSITASIDA BO’LAJAK CHIZMACHILIK FANI O’QITUVCHILARINING LOYIHALASH KOMPETENTLIGINI RIVOJLANTIRISH METODIKASI: DOI: <https://doi.org/10.53885/edires.2021.60.46.026> Turayev Xumoyiddin Abdug’afforovich TerDU, Tasviriy san’at va muhandislik grafikasi kafedrasi mudiri //Образование и инновационные исследования международный научно-методический журнал. – 2021. – №. 1-Maxcusc сон. – С. 289-293.
5. Sattarov S. Y., Turayev X. A. METHODS OF CONSTRUCTING SURFACES ON THE BASIS OF GEOMETRICAL CONDITIONS USING AUTOCAD GRAPHICS SOFTWARE //Science and Education. – 2021. – Т. 2. – №. 2. – С. 89-93.
6. Abdugaffarovich T. K. Modeling of the Processes of Development of Professional Thinking of Teachers of the Future Drawing Science //International Journal on Orange Technologies. – 2020. – Т. 2. – №. 11. – С. 7-9.